

# Weh Wi Ga Fi Seh

Vairos di eez dong,  
bot kip op yu helt.

## Luk Laik Wi Wahn Si Eesta Dis Yaa!

Soh...tingz eez op eena 2022 kansaanin di koroanavairos. Bot hoal aan: Wi mosn figet dat di vairos stil deh bowt, ahn sohn a wi stil noh gaahn gaahn geh vakseen. Stil, wi ku kech op lee bit dis Eesta wid weh wi mi mis owt pahn fi di lass 2 yaaz. Soh dis mek wi ku plan ting fi du Eesta. Tudeh, wi di shyaa sohn sentens weh ga fi du wid Eesta. Aal a dehnya sentens kohn fahn di Kriol-English dikshineri.

**Aypril** *n.* April. **Wi laik wen Eesta jrap eena Aypril kaa di weda aalwayz gud.** We like it when Easter falls in April because the weather is always good.  
**bloo maalin** *n.* large saltwater fish with long bill and tall dorsal fin. **Wen wi gaahn da see fi Eesta, mi breda kech wahn big bloo maalin.** When we went out to sea for Easter, my brother caught a big blue marlin.

**Eesta** *n.* Easter. **Eesta da wen wi selibrayt wen Jeezas ded, ahn wen ih beri, ahn wen ih rayz op bak.** Easter is when we celebrate the death of Jesus, and when he was buried, and when he rose back to life.

**faas**<sup>2</sup> *v.* fast; abstain from all or certain foods for religious or dietary purposes. **Jeezas faas fi faati dayz ahn faati naits.** Jesus fasted for forty days and forty nights.

**fiziknat** *n.* physic nut; a kind of tree. **Mi ma aalwayz gi wi fiziknat waata fi jrink wen di weda hat soh dat ih ku kool wi badi.** My mother always soaks a branch from the physic nut tree in water and gives us to drink when the weather is hot, so as to keep our bodies cool. [The gum of the tree is usually white; however, it is said that on Good Friday it runs red (or brown), and people call it 'Jeezas Blod'.]

**sin** — *n.* sin. **Jeezas gat atariti fi fagiv sin pahn di ert.** Jesus has the authority to forgive sin upon the earth. -----